






~~90~~

Z

Ann. 1860







ARREST

DE LA COVR DES AYDES,
PORTANT REGLEMENT ENTRE
les Presidens, Lieutenant & Esleuz,
en l'Eslection de Troyes, du 9. Iuin
1658.



A TROYES,
Par François Jacquard, demeurant en
la grande rue, à l'Image Sainte
Catherine.

T 2 3 4 A

227A 1 0 2 7 0 A 2 7 0
1 0 2 7 0 2 7 0 2 7 0 2 7 0 2 7 0
1 0 2 7 0 2 7 0 2 7 0 2 7 0 2 7 0
1 0 2 7 0 2 7 0 2 7 0 2 7 0 2 7 0

Case

F

39

.326

1658 fc

THE NEWBERRY
LIBRARY

HENRY par la grace de Dieu,
Roy de France & de Nauarre,
Au premier des Huissiers de
nostre Cour des Aydes où autre
nostre Sergent sur cerequis, Salut. Com-
me ce iourd'huy veu par nostre ditte Cour
l'instance pendante en icelle, Entre
Maistres Maurice le Cornuat President en
l'Eslection de Troyes, Pierre Daniel Lieu-
tenant en ladite Eslection, & les Esleus d'i-
celle, demandeurs en reglement selon le
contenu d'une Requête présentée à no-
stredite Cour, le xvij. iour de Novembre
mil cinq cens quatre vingt dix-sept, d'une
part, & Maistre Louys de Ville prouée
President en ladite Eslection deffendeur
d'autre, l'Arrest d'icelle du vingt-septies-
me iour de Feurier mil cinq cens quatre
vingt dix-huict, Par lequel nostre ditte
Cour auroit ordonné que le deffendeur
dans huictaine respondroit ou diroit ce
qu'il aduiferoit bon estre, ausdites fins, &
conclusions contenues en ladite Requête,
escriroient & produiroient lesdites parties
de huictaine en huictaine, bailleroient
contredits & saluations dedans le temps de
l'ordonnance, pour ce faict, & le tout rap-

porté pardeuers nostredite Cour, leur
 estre faict droict au rapport de Maistre
 Charles du Monceau Conseiller & general
 en icelle ainsi que de raison Ladite re-
 queste tendante afin de reglement, les def-
 fences dudit de Villeprouuée, les aduer-
 tissemens & productions desdites. La re-
 queste présentée par les demandeurs le
 septiesme May dernier passé, par laquelle
 ils auroient employé pour tous contreditz
 contre la production du deffendeur, ce
 qu'ilz auroient escrit & produit au proces.
 Les contredits du deffendeur. Arrest du
 premier iour de Iuin dernier passé, par le-
 quel nostre ditte Cour auroit ioinct la re-
 queste présentée par ledit de Villeprou-
 uée le vingt cinquiesme May dernier à la-
 dite instance, pour en icelle iugeant y
 auoir tel égard que de raison L'interroga-
 toire faict audit Maistre Pierre Daniel l'un
 desdits demendeurs sur certains faits & ar-
 ticles baillez par ledit deffendeur: La re-
 queste présentée par ledit de Villeprou-
 uée le cinquiesme Iuin dernier, tendante
 afin, attendu que lesdits faicts estoient to-
 talement decisifs du different d'entre les
 parties, qu'il luy fut permis les verifier,

pour ce faict estre procedé au iugement de
l'Instance Ladicte requeste de l'ordon-
nance de nostreditte Cour mise au sacq du
procès & tout considéré.

Nostreditte Cour faisant droict sur l'in-
stance & par maniere de prouision.

I.

A ORDONNE & ordonne que suiuant
les Edits & Ordonnances, le President de
ladite Election presidera sur les Esleuz
d'icelle, colligera les voix, prononcera &
appointera en l'audience & en la Chambre
du Conseil, & expediera toutes autres af-
faires de ladite Election avec lesdits
esleuz, & pareillement l'affiette, & depar-
tement de tous deniers aux iours, lieux &
heures ordinaires & iours extraordinaires
si aucunes affaires pressées se presentent.

II.

Qu'en l'absence des Presidens & Lieute-
nant le plus ancien des Esleuz presidera.

III.

Enioinct nostreditte Cour ausdits Presi-
dens & Esleuz de se trouuer tant à l'au-
diance que Chambre du Conseil, en habits
decents. Leur a fait inhibitions & deffenses
d'entrer en laditte Chambre avec chappe-

6
aux reistres & autres habitz indecents.

III.

Et pour le regard des assignations concernant la congnoissance & iurisdiction desdits Esleuz, Ordonne nostredite Cour qu'elle feront données en ladite Eslection es iours que l'on à accoustumé de plaider, pour les causes y estres iugées & terminées à la pluralité des voix, si faire se peut, sinon en la Chambre du Conseil.

V.

Faiet nostredite Cour expresses & particulieres inhibitions & deffences audit defendeur & tous autres, de tenir lesdites assignations, & iuger lesdites causes es maisons particulieres, sur peine de nullité, & de six escus d'amende contre les Procureurs, lesquels en cas de contrauention seront contrains au payement de ladite amande, nonobstant oppositions ou appellations quelconques, & sans preiudice d'icelles.

VI.

Et lors que le President rapportera quelque procez; Ordonne nostre dite Cour, qu'il sera tenu le premier dire son opinion, & seront en ce cas, les voix & opinions de-

7
mandées & colligées par le second President
ou Lieutenant de ladite Election, & en leur
absence, par le plus Ancien des Esleuz qui
assisteront au Jugement dudit procez.

VII.

Que tous procez se vuideront sommairement à l'Audiance, & sans appointer les parties à mettre, si faire se peut.

VIII.

Tous procez tant ciuils que criminels, congez & defaux, enquestes, informations, ou interrogatoires de prisonniers & cōptes, seront mis au Greffe & non és maisons desdits Presidents, Lieutenant & Esleuz, pour estre distribuz par chacune semaine, par le President avec l'un des Esleuz, successivement l'un apres l'autre, & en l'absence dudit President, par celui qui suiura en ordre de seance. Et commencera ladite distribution par ledit President, qui pourra choisir un procez soit ciuil ou criminel, & apres se distribuera un procez à celui qui vient en ordre, & successivement à tous les autres Esleuz selon leur antiquité; Et recommencera la seconde distribution à celui sur lequel la premiere sera demeurée, & continuera iusques à ce que chacun desdits Ju-

8
ges ayt eu vn procez , & apres se , recom-
mencera comme dessus.

IX.

Et sera ledit Reglement gardé pour la
distribution qu'il conuiendra faire desdits
deffaux, congez; enquestes, informations,
interrogatoires, & comptes,

X.

Le iugement de toutes lesquelles expe-
ditions, se feront en la Chambre du Conseil,
& non ailleurs.

XI

Comme aussi les Espices d'icelles expe-
ditions se distribueront & deppartiront
Sçauoir moitié au Rapporteur & moitié
ausdits Presidens, Lieutenant & Esleuz, qui
auront assisté au Iugement.

XII.

Enioint nostre dite Cour ; au Greffier
de ladite Election de faire vn Registre du
depost desdits procez congez, deffaux, in-
formations & comptes.

XIII.

Luy a fait inhibitions & deffences de re-
cevoir aucune production tant petite soit
elle sans inuētaire, & qu'il n'en charge son-
dit Registre à l'instant, & en la presence des
Procureurs

9
Procureurs.

XIIII.

Que pareillement ledit Greffier sera tenu faire vn Registre des distributions qui serōt faictes de ce que dessus. Sur lequel lesdits Presidents, Lieutenant & Esleuz, se chargerōt de ce qui leur sera distribué, & lors qu'il sera remis au Greffe, ils seront deschargez par ledit Greffier, en biffant leur seings.

XV.

Que incontinent que le iugement desdits procez & autre expéditions serōt concluës & arrestées, le Dicton en sera dressé par le Rapporteur, signé par le President & ceux qui auront assisté au Iugement, & mis au Greffe promptement, si faire se peut.

XVI.

Seront les Espices desdits procez taxez par le President, sur les Extraicts du Rapporteur par l'aduis de ceux qui auront assisté au Iugement d'iceux.

XVII.

Faict nostredit Cour inhibitions & defences au Greffier, de n'expedier aucune Sentence qu'elle n'ayt esté signée, comme il est dit cy-dessus. XVIII.

Les lettres d'Affiettes, seront jugées &

entherinées en la Chābre du Conseil, & sera le iugement & entherinemēt d'icelles signé de ceux qui y auront assisté, & les Espices departies entre lesdits Presidens, Lieutenāt & Esleuz esgallement qui y auront assisté.

XIX.

Les enquestes interrogatoires examain de tesmoings, auditions & visitations qui serōt faictes incidemment es procez distribuez, soit qu'il se facent dedans la Ville ou dehors, se feront par ceux auxquels les procez auront esté distribuez & à eux seuls en appartiendra le profit & esmolument.

XX.

Tout ce qu'il conuiendra faire en vertu des Sentences interlocutoires, sera fait par celuy au rapport duquel aura esté interloqué, & à luy seul en appartiendra le salaire.

XXI.

S'il est besoing par maladie ou autre empeschement, subroger pour executer vne Sentence interlocutoire, le President & en son absence celuy qui est en ordre y pourra subroger.

XXII.

Que à faire les enquestes interrogatoires examen de tesmoings, informations audi-

tions de comptes & visitations qui seront ordonnées estre faites par Jugement donné en l'Audiãce, le Presidẽt ou autre qu'il presidera l'audiãce y cõmettra, & leur a nostre dite Cour enioint d'y garder la plus grãde egalité que faire se pourra; & en appartenra le salaire. A sçauoir, de ce qui sera faict hors la Ville de Troyes, entierement à celui qui sera commis & y vacquera, & dedãs la Ville la moitié à celui qui y vacquera, & l'autre moitié sera mise en communauté.

XXIII.

Que toutes Espices se mettront au Greffe, ensemble la moitié des salaires qu'il conuiendra distribuer en commun, selon & ainsi que dessus à esté dict.

XXIII.

Enioint nostre dite Cour ausdits Presidents Lieutenant & esleuz, de prendre pour adioint le Greffier de l'Eslection ou son commis, au soulagement du peuple, sinon en cas de récusation. XXV.

Les despens adiugez par Sentences données sur procez par escript, deffaux ou congez seront taxez par ceux qui en auront esté Rapporteurs, & a eux seulz en appartiendra le salaire. Et deffences aux

autres de taxer lesdits despens.

XXVI.

Les despens adiugez à l'audiance seront taxez par ceux qui seront cōmis par le President, & en sō absēce celuy qui suit apres y commettra le plus promptement que faire se pourra, à ce que les parties se iournent.

XXVII.

Et pour l'absence de celuy qui aura esté commis ledit President & en son absence le plus antien les pourra distribuer, ensemble les taxes des despens des procez par escript en cas d'absence des Rapporteurs, & en apparteniendra le salaire à celuy qui aura esté commis & subrogé & qui les aura taxez.

XXVIII.

Enjoindt nostredite Cour ausdits Presidents ou plus antien desdits Esleuz d'y garder la plus grande ^{qualité} quantité que faire se pourra.

XXIX.

Et seront lesdits despens apportez par ledit Greffier és iours & heures ordinaires, pour estre distribuez, & seront les declarations desdits despens cōtées au dos du nom de celuy qui aura esté cōmis pour les taxer.

XXX.

Toutes requestes communes & ordinai-

res qui seront présentées ésiour & heures de la sceance, soit pour les procez par escript, audiãce, ou autres expéditions, seront responduës & signées par le President, & en son absent par le plus antien, & si lors il se presente quelque requeste de cõsequẽce & suiette a rapport, s'ẽ fera le rapport par celuy auquel elle aura esté baillée pour rapporter

XXXI.

Et quand aux requestes qui se pourront presenter hors le siege & Bureau, seront responduës & signées par les Presidens ou Lieutenant ou en leur absence par le plus antien Esleu, Sinon que lesdites requestes fussent de consequence & suiette à rapport. Auquel cas leur est enioint en faire rapport au Bureau pour avec l'aduis des assistans estre iugées.

XXXII.

La reception des Officiers & cautions des Receueurs & autres se fera au Bureau de ladite Eslection, par le President, & en son absence par celuy qui suit en ordre avec l'aduis des assistans.

XXXIII.

Lesdits presidens & Esleuz ne pourront faires lesdites expéditions ny s'assembler

pour les affaires de ladite Election à iours
& heures extraordinaires sans le faire sça-
voir aux vngs & aux autres.

XXXIII.

Les Parroisses de ladite Election seront
départies entre lesdits President Lieute-
nant & Esleuz pour faire leurs cheua-
chées, & pourra le President choisir tel de-
partement qu'il vouldra, & apres luy le se-
cond President & Lieutenant & consecuti-
vement les Esleuz, selon leur ordre & an-
tiquité de reception.

XXXV.

Lesdits Presidents, Lieutenant, & Esleuz,
changeront de département d'an en an,
pour faire lesdites cheuachées.

XXXVI.

Lesdits Presidents, Lieutenant, & Esleuz
signeront & verifient les Roosles des assi-
ettes particulieres des Tailles des Parrois-
ses qui seront de leur département, &
iceux signez & expediez, seront tenus en
retenir vne coppie semblablement signée,
pour icelle mettre au Greffe.

XXXVII.

Que les deniers taxez par lesdits Presi-
dens, Lieutenant, & Esleuz, & qui leur

appartiendront pour la signature desdits Roolles suiuant l'ordonnance, seront mis en vne bourse commune pour estre egalle-
ment entre eux partis & distribuez.

XXXVIII.

Toutes Commissions adressantes ausdits Esleuz soit par nous. Nostredite Cour, Nos Tresoriers Generaux de France ou autres, encor qu'elle ne fussent adressan-
tes directement que ausdits Presidens ou Esleuz, ou l'un d'eux particulierement se-
ront distribuez par ordre entre lesdits Pre-
sidens Lieutenant & Esleuz successiue-
ment l'un apres l'autre.

XXXIX.

ORDONNE nostredite Cour, que le pre-
sent Arrest sera leu & publie en ladite Esle-
ction à iour d'audiance les plaids tenans, &
registre au Greffe d'icelle, à ce que nul n'en
pretende cause d'ignorance, & pour y auoir
recours en temps & lieu ainsi que de raison.

XL.

Fait inhibitions & deffences à toutes
personnes d'y contreuenir sur peine de
cent escus d'amende.

XLI.

Enioind nostredite Cour au substitud de

nostre Procureur General, de tenir la main à ce qu'il soit executé de point en point selon sa forme & teneur, & sans despens de l'instance. Si te mandons de l'ordonnance de nostredite Cour, & à la requeste desdits demandeurs mettre le present Arrest à execution selon sa forme & teneur. De ce faict te donnons pouuoir.

Donné à Paris en nostredite Cour des Aydes, & prononcé le Neufiesme iour de Iuin, l'an de grace mil cinq cens quatre vingt dix-huict, & de nostre regne le neufiesme. Signé, par ladite Cour des Aydes. BERNARD, & scellé en cire iaulne du scel & contrescel de la Chancellerie.

L' Arrest cy-dessus a esté en l'un des Registres du Greffe de l'Eslection de Troye, par moy Greffier cōmis audit Greffe, de l'Ordonnance de Messieurs le Cornuat President, Angenoust Lieutenant Clerger Assesseur, le Boucherat, c. Angenoust, Foret, Collot, Ludot, Lebel, E. Angenoust, & Guillaume; Tous Esleux, & Conseillers en ladite Eslection, étant assemblez en la Chambre du Conseil, le 10. Nouembre 1623. pour estre le dit Arrest obserué selon sa teneur.

Signé, DAMPIERRE.

*EXTRAICT DES REGISTRES
du Greffe de l'Eslection de Troyes.*

SUr ce qui à esté dit & remonstré par
Maistre Nicolas Clerget premier Esleu
Assesseur que des le neuuesme Iuin cinq
cens quatre ving dix huit, il y auroit eu
Arrest rendu en la Cour des Aydes, por-
tant reglement pour l'ordre & distribution
de la Iustice en cette Eslection, lequel n'au-
roit esté iusques à present entierement ob-
serué, & que le defaut d'obseruance dudit
reglement peut prouenir entre autres
choses de ce que encores qu'il ayt esté leu
& publié au siege & enregistré au registres
de ceste Eslection Neantmoins par ce que
depuis ledit reglement l'on auroit créé des
Procureurs particuliers en ceste Eslection
en tiltre d'Office, qui n'ont eu cognoissan-
ce dudit reglement, ou pour le moins en
pourroient pretendre cause d'ignorance.
IL A ESTE' ADVISE' ET CON-
CLVD, qu'il sera desormais tenu la main
de plus pres à l'obseruation dudit regle-
ment, & à cet effect qu'il sera signifié & no-
tifié ausdits Procureurs de ce siege & au-

tresqu'il appartiendra, & à chascun d'eux
 delaisé coppie d'iceluy, aux inionctions
 de le garder & obseruer, avec deffences à
 eux d'y contreuenir aux peines y portées
 par iceluy. Et outre leur sera déclaré selon
 qu'il a esté resolu & arresté, que toutes assi-
 gnations de la nature & condition de celles
 qui se peuuent ou doiuent donner extraor-
 dinairement hors les sieges serōt données en
 la Chambre du Conseil de cette Eslection
 & non ailleurs suiuant ledit Reglement: &
 aux iours de Mardy, Mercredy, Ieudy &
 Samedy heures de huit & neuf heures du
 matin. Aufquels iours & heures, les Presi-
 dens & Lieutenant seront tenus de se trou-
 uer si bon leur semble en ladite chambre
 du Conseil, avec les autres Esleuz de ladi-
 te Eslection, pour estre par eux tous en-
 semblement vacqué à l'expedition desdi-
 tes assignations & affaires qui se presente-
 ront, & que deffences seront faites ausdits
 Procureurs de faire donner ou tenir aucu-
 nes assignations aux maisons particulieres
 n'y ailleurs qu'en ladite chambre du Con-
 seil à peine de l'amende, suiuant & confor-
 mement ausdits Arrest. Et sera le present
 acte enregistré aux registres du greffe de

ladite Election pour y avoir recours
quand il appartiendra apres qu'il a esté de
nous soubs-signé. Fait & arresté en la cham-
bre du Conseil le cinquiesme Decembre
mil six cens vingt-quatre, Par Messieurs
Clerget, C. Angenoust, Foret, Pothe-
rat, Collot, Ludot, Coquin, E. Ange-
noust, Guillaume & Leboucherat tous
Esleuz.

Signé

DAMPIERRE.

Collationné aux Originaux qui sont au
greffe de l'Election de Troyes.



*EXTRACT DES REGISTRES
du Greffe de l'Eslection de Troyes.*

CE iourd'huy vingt-neuf Mars 1659.
 À l'entrée de l'Audiance ; Nous,
 Nicolas Comparot, & Nicolas Bareton,
 Conseillers du Roy, Presidens en l'Es-
 lection de Troyes, aurions dit auoir receu
 plusieurs plaintes, tant en la Chambre du
 Conseil qu'ailleurs, mesme le iour d'hier,
 que le deffaut de l'obseruance du Regle-
 ment, rendu entre les Officiers de ladite
 Eslection, contradictoirement ; Cause
 vne entreprise sur les charges des vns &
 des autres, pour obseruer l'egalité, & que
 chacun desdits Officiers fasse sa charge,
 suiuant qu'il est porté par ledit Regle-
 ment; aurions trouué à propos d'en de-
 mander de nouueau la lecture & enre-
gistrement.

A quoy Maistres Pierre Guillaume, Anthoine Clerget & Collot, Remy Serqueil, Nicolas Vigneron, Baptiste Ludot, Joseph Gombault, Pierre Corrad, Anthoine Rochette & Nicolas de Marisy, Officiers en ladite Election, ont requis acte de la requisition faite par lesdits sieurs Presidens, de la lecture & enregistrement dudit Reglement, pour estre gardé & observé, declarant lesdits Officiers que leur intention est de le suiure & executer de leur part, ainsi qu'ils ont tousiours fait, & auquel ils n'ont iamais contreuenu, interpellans lesdits sieurs Presidens de le suiure, & de nous dire presentement ceux qui y auroient donné attainte, & de coter en quoy ledit Reglement auroit esté enfreint.

Ausquelles interpellations a esté par Nous Presidens dit, qu'il est inutile de respondre ny particulariser la contravention aux articles dudit Reglement, puis-

que nous demeurons tous d'accord de l'exécution d'iceluy a reste dudit Maistre Pierre Guillaume, qui a déclaré que son intention est de l'exécuter, suivant l'Edit de creation de sa charge, qui est postérieure audit Reglement, & que la fonction de Lieutenant Criminel luy appartient aux termes dudit Edit.

Par Nous Presidens a esté respondu que ledit sieur Guillaume s'estant vne fois deporté de la fonction de Lieutenant Criminel par transaction, il ne la peut plus faire reuiure.

Et par ledit sieur Guillaume a esté fait protestations contraires à ce que dessus, & de se pourvoir cõtre ladite transaction.

Maistre Anthoine Clerger, Assesseur, & premier Esleu, a demandé Acte de ce que l'on vient de faire la lecture & enregistrement en la presente Audiance dudit Reglement, mesme de ce que la creation de son Office est bien du depuis.

& est créé en l'année
cela estant, il ne peut estre executé en
son esgard.

A quoy par Nous Presidens a esté res-
pondu que deffunct Maistre Nicolas Cler-
get, dessors Assesseur, & premier Esleu,
auroit demandé l'enregistrement & exe-
cution dudit Reglement, ainsi qu'il nous
est apparu par la lecture qui a esté présé-
tement faite de l'Acte du cinq Decembre
mil six cens ving-quatre, duquel Office
ledit Maistre Anthoine Clerget estant
pourueu, il ne peut pretendre plus d'avan-
tage que ledit feu sieur Clerget son pere.

Lesdits sieurs Vigneron & Rochette,
Conseillers & Aduocats du Roy, ont dit
qu'en tant qu'à eux touche, ils ne veu-
lent empescher l'exécution dudit Regle-
ment, au contraire, le consentent & de-
mandent, à charge d'estre maintenus aux
sceances & fonctions à eux attribuées par
les Edits de creation, de leurs charges po-

sterieures audit Reglement.

Ce fait lesdits sieurs Officiers cy-deuant nommez, ont derechef interpellé lesdits sieurs Presidens, de nommer presentement ceux qui auroient donné attainte audit Reglement, & de coter en quoy il auroit esté enfreint.

Par Nous Presidens a esté dit, qu'il a esté suffisamment par nous respondu à la dite interpellation & y persistent.

Sur lesquelles Declarations, protestations, Nous auons ordonné que ledit Reglement sera suiuy & executé, faisant defences au Greffier & Procureurs d'y contreuenir, aux peines y portées, à chacun desquels sera donné Coppie d'iceluy à ce qu'aucun n'en pretende cause d'ignorance. Signé SAINGEVIN, avec Paraphe.

Saingevin

